



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

XIII. Vertrag Gernands, Bischofs von Brandenburg, zwischen dem Burggrafen zu Dornburg und dem Kloster unserer lieben Frauen in Magdeburg, wegen Einkünfte in Clützwow und Bretzin, am 28. Mai 1236.

---

---

**Nutzungsbedingungen**

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

XII. Bischof Paulus von Posen bestätigt dem Kloster Paradies den ihm bei seiner Stiftung durch Uebertragung an den Abt Heinrich von Lehnin beigelegten Besitz von Gostecowo, am 1. Februar 1234.

In nomine sancte et indiuidue trinitatis. Paulus, dei gratia Poznaniensis episcopus, omnibus hoc presens scriptum inspecturis salutem perpetuam in domino. Cum episcopalis interfit officii, ad edificationem corporis Christi, id est ecclesie, sollicititer intendere et decorem domus domini ut varietate distincta refulgeat multipliciter ampliare, — Ideo notum facimus omnibus tam presentibus quam futuris cristi fidelibus uniuersis, quod nove foundationis monasterio cisterciensis ordinis poznaniensis diocesis, cui nomen est paradifus sancte Marie, fundato in loco, qui dicitur Gostecowe de voluntate et auctoritate nostra, dicto inquam monasterio omnem decimam totius ville Gostecowe secundum terminos suos de consensu capituli nostri donamus et confirmamus libere ac perpetuo possidendam. Cum ejusdem ville Gostecowo decima ad parochialem ecclesiam in eadem villa constructam et a nobis olim consecratam pertinuisse dinoscatur, quam decimam prefate ville in ipsius ecclesie consecratione donauimus eidem. Iustum namque est et apostolice sanctioni consentaneum, ut hi potissimum altari prouentibus communicent, qui vigilantius altaris deservire probantur. Quinetiam tranquillitati et paci dilectorum fratrum ante dicti monasterii in futurum prospicientes, testamur presenti pagina et protestamur, quod vir nobilis Bronifius Comes obtulit sepe dictam villam proprietatis sue cum omnibus bonis et villis suis, cum omni jure proprietatis et utilitatis omnipotenti Deo et gloriose matri sue semperque virgini Marie ad opus monasterii construendi et Domino Henrico, abbati de Lenin cum fratribus suis contulit et suo privilegio confirmavit. Quod ne quisquam ausu temerario futuris temporibus retractare presumat, vel super hujusmodi donatione legitima sepe nominatum Monasterium molestare, auctoritate Dei omnipotentis apostolorum Petri et Pauli ac nostra sub anathemate prohibemus. Ut autem pretaxata nostra et capituli nostri donatio et confirmatio prememoratis fratribus rata, stabilisque permaneat, sigillorum munitione, videlicet nostro et capituli nostri fecimus hanc conscriptionem nostram insigiri. Acta sunt hec anno gratie millesimo CCXXXIV, kalendis Februarii, epacta XXVI, Indictione quinta.

Aus Raczyński's Cod. Pol. I, S. 10.

XIII. Vertrag Gernands, Bischofs von Brandenburg, zwischen dem Burggrafen zu Dornburg und dem Kloster unserer lieben Frauen in Magdeburg wegen Einkünfte in Gützow und Brehin, am 28. Mai 1236.

Gernandus, dei miseratione Brandenburgensis Episcopus, Vniuersis Christi fidelibus presentem paginam Auditoris in ihesu saluatore salutem. Inter cetera gratiarum munera desuper nobis data non minimum diuine pietatis est donum, quod scriptis patrum veterum et humanarum

eruditur ingenium ac fragilitatis humane memorie roboratur, ut quod rite agitur Inter presentes ad agnitionum absencium valeat peruenire. Notum volumus esse tam presentibus, quam futuris, quod causa, que inter honorabilem virum dominum Johannem S. M. Magd. prepositum et dominum ywanum militem castrensem de dorenborch vertebatur, iam longis temporibus agitata compositionis interueniente tractatu consilio uirorum fidelium ac prudentum et arbitrio est sopita. Constitutis itaque coram nobis domino Geldolfo, cellerario S. Marie ex parte prepositi et domino ywano milite promissum recepimus ab eisdem, ut quicquid dictaret arbitrium prefati prepositus atque miles inuolabiliter obseruarent, Deinde recepto a partibus hinc et inde Arbitri ab utraque parte electi hii: uidelicet ex parte prepositi Henricus domicella et waltherus de foro, ciues Magdeburg, Et hii ex parte militis Henricus de Jeluerstede et heinricus de danecowe arbitrium de communi consensu partium in nostra presentia promulgarunt. Est autem arbitrii forma talis: dominus prepositus renunciabit omnibus Iniuriis, dampnis et debitis et si qua sunt alia, que requirit a milite memorato, nullo penitus rancore manente seu commotionis particula inter ipsos ad inuicem ex hac causa vel inter ipsos et homines eorundem dominus ywanus renunciabit omni Juri, quod in tabernatu de Clutſowe se dixit habere; destructio vero seu permisso tabernatus erit in plena prepositi potestate. Dominus ywanus habebit annis singulis in villa Clutſowe solummodo viginti solidos pro expensa, quam ciues iidem ministrare deberent diebus placiti, quibus iudicio presidebit, nec idem miles prandium aut cenam faciet in eadem villa die, quo iudicio presedit in illa. Item sepedictus miles habebit in villa Britzin viginti quattuor solidos annuatim diuisis hiiis viginti quattuor solidis in tres partes ita, quod quolibet die placiti siue presideat iudicio siue nostro presideat, recipiat octo solidos pro expensa nec ulla diebus placiti sibi dabitur expensa nomine iudicis nec a curia prepositi nec a ulla. Item si per negligentiam alicuius seu excessus alios qualescumque aliqua fuerint in forma iudicii acquisita, dummodo causa tracta fuerit in iudicium per querelam, Idem miles seu nuncius eius acquisita laxare non debet nec in sede iudicii, nec ullo locorum, nec etiam debet compositionem admittere talis cause, nisi de consensu prepositi seu nuncii sui, quem pro tempore duxerit ad placita destinandum. Nos quoque tulimus sententiam excommunicationis in eum, qui arbitrium hoc prescriptum in aliqua sui parte violauerit aut in toto, mandantes eundem, postquam legitime de arbitrii violatione constiterit excommunicatum publice nunciari et ab omnibus usque ad satisfactionem condignam artius euitari. Acta sunt hec ante castrum Dhornenburch super ripam Albie presentibus his Magistro Reinardo, canonico S. Sebastiani Magdeburg, domino Daniele de Munkede, Theobaldo Alberto, clericis, Alberto de Blekendorp, Burchardo de weterlinghe, Thegenardo de Randowe, Heidenrico de Sedorp, militibus, Ewerwino de Siliz, Heinricho, Schulteto de Gummeré et aliis quam pluribus. Datum lezeke, V. Kal. Junij, Anno gratie MCCXXXVI, Pontificatus nostri Anno quarto decimo.

Nach einer Copie aus dem Copiaro des Klosters unserer sieben Frauen in Magdeburg (36) No. 35.